

Kaawápoma'ahkaiks (sskánítaamiksi) aakítsípiimiksi iitaisókinákiyao'pi

Animals in healthcare facilities

Sskanítaamiksi maak óksissawaosa

(Pet visits)

Sskanítaamiksi maatohkaanásiwa ma'ahkítsípsst óksisaowaosa Alberta Health Services ótsítaiyaopi'ihpiya sókinnákihpiya. Aakítoksisawaowa maasskaanítaam, iikítáp sókápi maa ai sókinnakiim. Aitoht sókímohssiya.

Kámitáp ípiyainíki maa sskánítaama, óma'ahk it óksissawaoao'hs, Kiisto iitápihtsi ótááksi kí'ihpi ai tápaíssi mii iitaisókinákiyao'pi.

Óto'ohthoko'ohssiistsi soowáák a'kánihpi sstíkíks matápi, aamostsi tssápoot niit ómaanist ókákihtsimaasspi maak óksissawaos ma sskánítaama.

Miyaanists iinápskohkssiistsi

(General information)

Saomiitaisstípiyainíkim maa sskánítaama mii iitaisókinákiyao'pi:

- Mátoom sápišis ma iitainawásiwa mii kítaakítsípstípiya'ahpi maa sskánítaama.
- Aakstsinnaí aisókímohssi, iinsspápsi, saayíssimmi, kii maataakít aipsstisíta kiy iisapiyo'ohsiwa.
- Aakstsinao tássowaanáta kiya aakítóh sápipótowa mii a'táksi'ihpi i'ihánistsi aipiya'ahpi.

Aiyao ksissawaowaosi:

- Maa aisókinnawa kítsii ksíssawáátáwa, a'nnai nítsítápi aakotámohkótsi ksiiníwa mii sskánítaama.
- Isstímíiit saomaiksiinainíki kii aíksístsiksiinainíki maa sskánítaama.
- Oománistsítót a'paissít maa sskánítaama kítaanistsiisámaak óksissawao'ohpi.
- Ksíkápištótsít maa sskánítaama ótsít ípahtsápsspi, kámípahtsápssis.
- Íststákít ísttaissíkiyao'ohsao'p kiya kótsaakssin maa aisókinákinawa ótókssinni kiya ówápissákistsi ótaakítóh pópaatátahpi.
- Iikákimátsis maa sskánítaama ooma'ahk saitsí kaiyíssápao'ohpíssi aotoítsikátahki maaaisókinnawa. **Mínnii** ksiiníss maa sskánítaama maa aisókinnawa miistsi ístaiyíssítápii'ihkohto'ahpistsi, paapóssinni iitápápinípistsi, kii sstíksítsi iitáp a'pinni'ihpi, kiya iitáp ípsstáp a'píní'ihp, kiya, i'ihsaapíni'ihpistsi, kiya mii iita'kánítahpi maa aotoítskátawa.
- A'ahkápiis maa sskánítaama kámomatáp saiyíkskssis. (Mínnítsít ai sápskítsis maa sskánítaama miiksi kítsinnakássiimiksi. Kítaak sópowáko.)



Limitaiksi – aawaapiiwaanistotákiiksi kii aotápínnákiiksi

(Service dogs and guide dogs)

Maa iitsskínnimátawa iimítawa óma'ahk aawaapiiwaanistotákssi kiyootápínnákssi, kii maa iimítaami ánníksiyai aaka'nnyao'p, i'ihpókohkimaamótsi. Miiksi i'ihpókohkimaamótsiiksi niit o'kákihtsimássi, aak stámitsipiimiya ótáákítsi pi'ihpiya. Maatákokhótohkaanásiwaiksa. Aaksstámítápoiya ótaiyaakítáp o'ohpiya. Ísta'kiyo'ohkoisksinnímaat **Service Dogs in Alberta**.

kátánístápsiiksi aotápínnáki kii aawaapiiwaanístótákiiks kaawápoma'ahka

(Volunteer animals)

Tóksskámíksi kaawápoma'ahkaiksi iitsín sinnaiya mii **Alberta Health Services Volunteer Resources**. I'ihpssksskámáiyi ómaanistokákihtsimássiya. A'níksi kaawápoma'ahkaiksi kii mii iinaanátsiiksi iik áwaakaitápi ótao ksíssowaataawaiksi miiksi mátápi ma'ahkohtohkoi sókímohssaand.

Maak sopowahtsissatainiki ma aisokinnakiyaki kiya aisokinnakiina Iimaksiko'kossi kiya ksiistsikoi iitapipoiyit **Health Link at 811**. Aipa'nikaiyinnip mii aitap ipoiyaopi. Kámstainíki kíta'ahkoh ko'ohtookíssi, kaak a'niit tsiíya kítsípówahssin.

Last reviewed: August 30, 2023

Author: Infection Prevention and Control, Alberta Health Services

Aamo sínnaakssinni, maatótsíkskipootsipa maa aisókinnaki ótaani'ihpii. Aamo sínnaakssinni kaakoht o'ohstíma'ahpihkao'p kii kaaksi kípohtsissítápiiyao'p. Kiyáá iikohksiiikákimátóp a'ahkokámoot aístamátstohkátó'ohs, Alberta Health Services maatsiit sákowaanánniya ótokámoot aístamátstohkátóosa. Kiya o'ohstískáni'ihpowaiyi, ótokámaistamátstohkssowaiyi, ótokámoot aístamátstohkátó'ohsa, ótsao'ohkoi pítsíkápis, ótsstákaanápiissi, aakohkótsstámohit íssítapiiyaósi mii tsiima'ahpihkaani. Alberta Health Services niit ánniya ótsoowaakohkót ootoimahssa moi tsíma'ahpihkaani kámohstípahtsápi'ihki kii ót soowaakohkótohtoiyiya'ahssa mii pa'ahtsápi iitápihtápi aamo tsíma'ahpihkaani.